

望銅柱有感

迢遞交南去路長
望中銅柱覺微茫
伏波事業今誰繼
空倚危亭嘆夕陽
不見當時馬伏波
英雄千古事難磨
只今邊境多烽警
控禦無人可奈何

行部欽州歸途值雨

明劉烜知府

驛程侵早發天涯
山路崎嶇跬步移
方恠僕夫頻告病
忽驚匹馬又嘶疲
荒渠集水深過頂
苦雨沾衣溼透肌
民事勤勞吾分事
敢萌分寸怨

尤私

巡按廉州

明周叔達

此日停騾合浦邊
南溟吹浪灑青韜
天涯驛近無多路
海角亭摧已有年
使節肯交沾瘴雨
清風謾自掃蠻烟
回瞻北闕祥雲下
暗數修途動十千

龍門小飲

明湯惟允

推官安仁人進士

丹繫龍門口樽開
漁浦邊林深猿嘯
杳風急鴈行偏
秉鉞非吾事乘桴
亦宿緣論文共尊
酒景

物自堪憐

永安城

黑雲交唇氣紫電射龍光殘埤山作障斷岸海
爲疆深尊愁欲破欹枕盡偏長何爾驅馳急風
塵一劒鏘

大廉山

明吳廷舉布政

危途疲馬信間關合浦埋輪十日間國有仁賢
惟寶在家無擔石比珠還秋聲近與江聲接景
色宜兼曙色看行李紛紛遊宦子幾人不愧大

廉山

廉江

饒秉鑑

長江來浩浩何事得廉名自是源常潔因之流
亦清浪浮雲影動波靜月華明寄語滄浪客于
茲好濯纓

還珠亭

饒秉鑑

登亭試相問珠去若爲還自古仁恩洽寧非氣
化關聲名千古後風景四時間我亦爲民牧于
今鬚已斑

明林錦副使

合浦還珠世所稱危亭移建事更新若將物理
論平感一代恩波一代人

趙瑤僉事

瑞彩含輝水一灣珠生老蚌濟民艱曾驅萬命
沉淵底爭似當年去不還

海角亭

饒秉鑑知府

昔年曾到天涯驛此日重登海角亭共喜遐方
多勝槩謾論邊郡得廉名孟嘗事業誰能繼馬

援功名獨見稱天關遙瞻渾咫尺夕陽回首寸
心傾

撫八寨諸賊

劉烜

單食壺漿遠送迎人心歸向若爲情冥頑昔爲
饑寒逼禮義今由富足生深峒月明無犬吠荒
村雨過有農耕撫綏自我無他擾可保吾民樂
太平

珠母海

徐九臯

良辰命儔侶方駕登高岡悠悠對瀛海延睇意

何長白雲在青丘宓妃遙相望我欲從之遊惜
哉無輕航發鳩有靈鳥銜石獨彷徨彷徨豈不
疲志意殊未央烈士多苦心天運不可常燕豫
安足懷各各愛景光

又

陳茂義

客行苦畱滯歲月忽我適良朋寫幽思置酒前
山遊松篁夾修徑浦溆橫孤舟長空日西墮極
目滄溟流肅肅萬里翼哀鳴求其儔原野何清
曠但見煙雲浮俛仰內惻愴天命良悠悠世途

弗可任吾將仍丹丘

又
殊方久行役良辰慙逍遙陟此千仞岡矚彼萬
里濤驚濤盪寒日歲暮陰風高轉蓬隨飛沙孤
雲逐流潮大塊何茫茫極目滋蕭條人生本幻
化世事信所遭遠近復去住百年徒勞勞縱酒
懷達人誰能知呌號

湖中三嶼

張士峻

三山蓬島景移入水雲鄉魚戲驚棊局鷗眠近

釣航不盡登臨意笙歌醉夕陽

又

張士純

一泓碧沼淨涵青好事揮題三洞亭漂渺烟光
歸竹徑空濛絲雨亂莎汀城頭月出邀人醉扇
底魚遊爲笛聽更喜鍾期解山水陶然相對兩
忘形

避俗何如此地偏長林修薄帶晴川道存自覺
逢瀛邁宦拙翻於海角便載酒謾搜三島勝凌
風仍試五湖船却憐未盡遊山興塞外空飛古

鏡圓

明鍾

振合浦人
進士

山城蘆葦苑菁菁一望長湖島嶼橫水帶青蘋
飛屬玉雨翻翠柳亂倉庚海端臨眺方諸宅月
下歸來白玉京苦爲丹砂乞勾漏人間何地不
蓬瀛

高步巖廊玉案仙鄙人何幸奉賓筵三山小景
半泓碧一葉輕舟五月天風護荷香凝翠浪月
將瓊液下丹田主人興發客不去沉醉都忘水